



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1845

XIX. Markgraf Albert bestätigt dem Domstifte seine Besitzungen und Freiheiten und verpflichtet dasselbe zur Feier des Sonnabends zur Ehre der heiligen Jungfrau, am 1. Juni 1209.

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

plures, quorum nomina breuitatis amore pretermittimus. Acta sunt autem hec anne dominice incarnationis M^o. C^o. XC^o. VII^o. VIII. kal. decembris.

XVII. Graf Siegfried in Osterburg bestätigt dem Domstifte die von seinem Vater Grafen Albert in seiner Grafschaft gemachten Schenkungen, am 26. Febr. 1207.

In nomine sancte et indiuidue trinitatis. Liqueat tam presentibus quam futuris, quod ego Sifridus, dei gratia comes in Osterburch, post obitum patris mei felicis memorie Alberti, tunc comitis in Osterburch, pie collata ab eo ecclesie beati Nicolai in Stendale spontaneus innouo et ratum habendo confirmo idem beneficium, videlicet ut villa Rokinze ab omni iure et ab omni onere utriusque nostrum collatione, sicut et villa Garlip sit exempta, quod uel ego uel successores mei ab aliis villis, in eadem comitia constitutis consueverunt exigere debitum vel quod absit extorquere uiolenter. Verum ne sub hac generalitate obscuritas lateat onerosa, expressius hanc villam Rokinze scilicet ab eo, quod grafkorn et grafding et albergaria dicitur omnimodis absolutam recognosco: et ne forsitan obliuio nouerca gestorum huius liberalitatis memoriam valeat obfuscare, litteris nostris et sigillo quod ob remedium animarum nostrarum contulimus successoribus inuiolandum corroboramus. Acta autem sunt hec in aldenhufin presentibus his: Iamberto sacerdote et canonico in Stendale, Alberto de nigendorp, Engilhardo tunc dapifero, hermanno de mirica tunc advocatione in Aldenhufin, Ottone de brittania, Burchardo tunc camerario, et aliis quam pluribus. Anno dominice incarnationis M^o. CC^o. VII^o. concurrente VI^o. III^o. Kalendas martij.

XVIII. Paps Innocenz III. bestätigt dem Domstifte seine Besitzungen, am 6. Mai 1207.

Innocentius episcopus, seruus seruorum dei, Dilectis filiis Decano et Capitulo Stendaliensi — uestris iustis postulationibus annuentes, de Stendale, de Schinne, de Eluebuie et Rencherflache ecclesias, villam de Garlippe cum pertinentiis suis, duo talenta in areis et tria talenta in domo Mercatorum eiusdem castri, Quinque agrorum iugera extra fossatum et totidem iuxta Rencherflache, Areas quasdam pia uobis fidelium liberalitate collatas, Molendinum de Rokence, villas Rokence, Slautiz et Bereche cum pertinentiis earundem, Quatuor mansos in Schadewachte, duos in Niewinkele, duos in Bellinke, duos in Eluebuie, duos in Ciple ac dimidium in Gerbrechteslache ac tres quadrantes in Rencherslache, sicut ea iuste ac pacifice possidetis, uobis et ecclesie uestre per uos auctoritate apostolica confirmamus et presentis scripti patrocinio communimus. Nulli ergo omnino hominum liceat hanc paginam nostre confirmationis infringere etc. Datum Rome apud Sanctum Petrum, II. Non. Maii, Pontificatus nostri Anno Nono.

XIX. Markgraf Albrecht bestätigt dem Domstifte seine Besitzungen und Freiheiten und verpflichtet dasselbe zur Feier des Sonnabends zur Ehre der heiligen Jungfrau, am 1. Juni 1209.

In Nomine Sancte et indiuidue Trinitatis Albertus dei gratia marchio brandeburgensis, — superni amoris accenti desiderio ob spem retributionis eterne circa ecclesiam Beati Nicolai in Stendale

affectu pie devotionis excitati, de stendale, de schinne, de Eluebne et Rengirslage omnes Ecclesias, Garlip et Slautiz villas cum omnibus suis pertinentiis, Duo talenta et IX. solidos de censu ararum in stendale, et tria talenta de domo mercatorum, videlicet de summa totius pensionis primo deducenda, Sex agrorum jugera extra fossatum et totidem in rengirslage, Areas quasdam pia fidelium liberalitate collatas, villam Rokinze cum molendino, Quatuor mansos in schadewachten, Duos in Niewinkele, Duos in bellingen, Duos in Eluebuje, Duos in stenuelde, ac dimidium in Gerbrechtflage ac tres quadrantes in Rengirslage, Octo solidos in fanne, Mansum unum in crufemarke et unum in norstede et villam Berge, que sola cum omnibus pertinentiis suis ad preposituram pertinet: Hec omnia prememorata Fratrum nostrorum beate memorie scilicet Marchionis Ottonis et Comitum Henrici pia liberalitate cum consensu nostro fuisse collata recognoscimus et sub tanta securitate ac liberalitate possideri volumus, ut nulli advocatorum aut bedellorum, aut villicorum, aut quorumcumque officiarum liceat unquam in villis vel in rebus eiusdem Ecclesie cuiuscumque exactionis incommodum facere vel aliqua grauaminis molestia perturbare, quia ex privilegiis eiusdem ecclesie iam pridem indultis et authenticis nobis constitutis, ipsam hac immunitate debere gaudere. Canonici uero, qui huiusmodi munificentie privilegio super omnibus suis communiti sunt, deuotioni nostre non ingrati unanimi consensu statuerunt, singulis sabbatis missam in honorem et memoriam Gloriosae uirginis Marię celebrare, nisi forte aliqua sollempnitate prepediantur, in qua tamen collectam pro nobis dicendam non omitti decreuerunt. Ne quis igitur heredum nostrorum vel Successorum in posterum id ausu temerario presumat infringere, litterarum nostrarum ac Sigilli nostri patrocinio confirmamus. Testes autem qui aderant sunt clerici Theodericus Decanus, Arnoldus, Godefridus notarius, Helyas scholasticus eiusdem Ecclesie Canonici, Bruno de tangirmunde plebanus, Laici uero Burchardus de Kochstede, Burchardus de Buchholth, Albertus flichting, Bodo de Ilburgh, Gozwinus de Brandeiz, Henricus pincerna et Arnoldus frater eius, Conradus ac Fridericus de Buch, Henricus de Storkowe. Acta sunt hec Anno Dominice incarnationis MCCVIII, Cal. Junii Tangirmunde.

XX. Markgraf Albrecht schenkt dem Domstifte zwei Hufen Landes in Steinfeld, am 16. Juni 1209.

In nomine sancte et individue trinitatis. Albertus, dei gratia Marchio in brandenburch, Quum humane memorie perpetuitate scripturarum iuari solet imbecillitas, notum esse uolumus omnibus tam presentis quam future etatis Christi fidelibus, quod ecclesie sancti Nicolai in stendale duos mansos in villa steinued cum omni usu inde proveniente contulimus, omni iuri nostro in ipsis renunciantes, omnibusque advocatis et officiariis nostris omnem exactionis modum auferentes, eosdem mansos, a quolibet seruitutis onere in perpetuum exemptos, cum tranquilla libertate uolumus ab eadem ecclesia possideri. Testes autem huius donationis, qui tunc aderant in grotinswachten, sunt: Godefridus canonicus in stendale et notarius, Johannes burchgrauus in lubin, Burchardus comes in ualkenstein, Fridericus junior advocatus in saltwitele, Fridericus de hafele, Theodericus dapifer, Engilhardus, Gernandus de stendale, Hermannus de stafuelde, Meinhardus struing et alii quam plures. Ad remouendam igitur omnem in posterum ambiguitatem prefatam ecclesiam super hisdem mansis, quos cum affectu deuotionis obtulimus, presenti scripto cum